

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0061797 24
Zenica, 11.04.2025. godine**

**OPĆINSKI SUD U TEŠNJU
-Sudiji za prethodno saslušanje-**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičenog:

E. Z., osuđivan dva puta,

Zbog postojanja osnovane sumnje da je:

Dana 23.05.2024. godine oko 21.00 sat noseći drvenu palicu došao zajedno sa bratom E. Z. ispred vikendice njegovog oca S. Z. koja se nalazi na adresi Š., sa ciljem traženja sestre Z. S., S. B., u kojem momentu su ispred vikendice sjedili njegov otac S. Z., H. M., D. G. i Z. S., te po dolasku na mjesto gdje su sjedila navedena lica ispred vikendice drvenom palicom zadao po jedan udarac u predjelu glave i lakta desne ruke D. G., kojom rukom je D. G. štitio svoju glavu od udaraca drvenom palicom koje mu je zadavao E. Z., i dva udarca u predjelu leđa D. G., usljed čega je došlo do povređivanja i krvarenja glave D. G., svjestan da na taj način nasiljem i naročito drskim i bezobzirnim ponašanjem ugrožava građanski mir svih prisutnih ispred vikendice i nanosi tjelesne povrede D. G., što je i htio, usljed kojih udaraca je D. G. zadobio tjelesne povrede u vidu nagnječena, odnosno uboja, desnog lakta i lijevog ramena i nagnječnorazderne rane na glavi lijevo čeonotjemeno, da bi nakon toga prišao do putničkog motornog vozila marke „Audi“ registarskih oznaka ..., vlasništvo supruge Z. S., Ž. S. koje se nalazilo parkirano pored vikendice, i udarcima drvenom palicom uništio prednje i zadnje vjetrobransko staklo i kočiono svjetlo na istom na navedenom putničkom motornom vozilu, svjestan da na taj način oštećuje i uništava tuđu stvar, što je i htio, kojom prilikom je Ž. S. pričinjena materijalna šteta u neutvrđenom iznosu, da bi nakon toga zajedno sa bratom E. Z. zaganjao D. G. i Z. S., koji su se prethodno dali u bijeg, govoreći im „*past će mrtva glava*“

Dakle, nasiljem prema drugom, naročito drskim i bezobraznim ponašanjem ugrozio građanski mir usljed čega je jedna osoba zadobila lake tjelesne povrede i oštetio i uništio tuđu stvar

Čime bi počinio krivično djelo nasilničko ponašanje iz člana 362. stav 2. u vezi sa stavom 1. Krivičnog zakona FBiH u sticaju sa krivičnim djelom oštećenje tuđe stvari iz člana 293. stav 1. Krivičnog zakona FBiH, u vezi sa članom 54. istog Zakona